

**Láhkaásahus Finnmárkku šláddjes lastavuvvdiid suodjalanplána birra.
Oahcesaisullo álbmotmeahci suodjaleapmi Kárášjoga gielddas, Finnmárkku
fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodžul luonddugáhttema birra 8. paragráfias, gč. § 10 ja §§ 21, 22 ja 23. Birasgáhttendepartemeanta lea dan ovddidan.

§ 1. Ráddjejupmi

Álbmotmeahcci guoská čuovvovaš dálloinr./doallonr. Kárášjoga gielddas: 19/1, 19/2, 19/7, 19/9, 19/18.

Álbmotmeahcci gokčá su. 333 dekára sturrosaš areála.

Álbmotmeahci rájít bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 7 500. Álbmotmeahci dárkilis rájít galget merkejuvvot eatnamii. Čiegat merkejuvvojit koordináhtaiguin.

Suodjalanláhkaásahus oktan kárttain galgá vurkkoduvvot Kárášjoga gielddas, Finnmárkku fylkkamánni luhtte, Luondduhálddašandirektoráhtas ja Birasgáhttendepartemeanttas.

§ 2 Ulbmil

Suodjaleami ulbmil lea seailluhit measta lihkatkeahtes lastavuvdegoullu ekovuogádahkan oktan buot lunddolaš šattodagain ja ealliiguin. Guovllu erenoamáš kvalitehta lea dan boares ládjosajit. Guovlu lea dieđalaččat márssolaš kontinentála gieddesoahkevuvvdiid šládjaguovlun.

Álbmotmeahci luondduvuđđossa dikšun lea dehálaš sámi kultur- ja ealáhusávkkástallamii. Guovllu galgá sahttit geavahit boazodollui.

§ 3 Suodjalanmearrádusat

Álbmotmeahccái gustoijt čuovvovaš mearrádusat:

1. Šattodat, dás maiddái jápmán muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Ođđa šaddošlájaid gilvin ja buktin dohko eatnamii ja sáivačáhcái lea gildojuvvon.
2. Eallit, dás maiddái beasit ja biejut, leat ráfäiduhttojuvvon vahágahttima, bilideami ja dárbbašmeahttun ráfehuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmabijuid ii galgga čađahit, mat rievadait luonddubirrasa, numo hukset visttiid ja rusttegiid, áidut ja hukset eará gitta ja gaskaboddasaš ráhkkanusaid, guođđit kámpenvávnnaid, bráhkáid jed, fatnasiid giddet boijjaide dahje guođđit gáddái, bidjet eatnanbajábeallásáš jođđasiid, eanajodđasiid ja duolvačáhcebohciid, hukset geainnuid, roggat goivvohagaid ja eara láhkai

goikadit eatnamiid, váldit, deavdit ja vurket mássa, luoitit kloáhka dahje eará čoahkáiduvvan nuoskkidanávdnasiid, guođđit doabbariid, duktet, kálket ja geavahit kemikálaid luottahuhtinávnnasin. Nuoskkideapmi lea gildojuvvon. Logahallan ii leat dievas.

4. Mohtorjohtolat eatnamis ja čázis, dás maiddái áibmofievru girdileapmi ja seaivun, lea gildojuvvon.
5. Álpmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luonduhálddašandirektoráhta sáhttá vuhtiiválddidettiin rafáiduhttinulbmila láhkaásahusain gieldit dahje muddet johtolaga oppa álpmotmeahcis dahje dan osiin.

§ 4 Oppalaš spiehkastagat

3. § mearrádusat eai hehtte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahčandoaimmaid, ja dakkár dikšun- ja hálldašandoaimmaid čađaheami, maid hálldašaneiseváldi lea mearridan. Hárjehallanvuodjin namuhuvvon doaimmaid oktavuođas gáibida sierra lobi.

3. § nr. 1-3 mearrádusat eai hehtte:

2. Geavaheames guovllu guohtumii.
3. Geavaheames goikeovssiid káfedollii.
4. Čoaggimis murjjiid ja borramušguobbariid.
5. Bivdimá ja gárduma fuođđolága vuodul ja guolásteami luossa- ja sáivaguolástanlága vuodul.
6. Čorgemis bálgáid.
7. Dárbašlaš mohtorjohtolaga buohcci ja lápmášuvvan šibihiid viežzama oktavuođas. Dat fievru mii geavahuvvo, ii galgga olus golladit luondu. Ovdalgo vuodjá galgá dieđihit bearráigeahčui.
8. Ávnnaasteami duoji várás.

3. § nr. 1-4 mearrádusat eai hehtte:

9. Vuodjimis muohtaskuhteriin dohkkehuvvon muohtaskuhterláhtu mielde joga alde. Álpmotmeahcis ii leat lohpi earránit skuhterláhtus.
10. Geavaheames mohtorfatnasa jogas.
11. Vuodjimis muohtaskuhteriin dárbbu mielde boazodoalu oktavuođas.

§ 5 Vejolaš spiehkastagat ohcama vuodul

Hálldašaneiseváldi sáhttá ohcama vuodul addit lobi:

1. Čuohppat sogiid iežas atnui.
2. Hukset šalddiid ja roviid, cegget galbbaid ja merket bálgáid.
3. Geavahit mohtorfievru dárbbu mielde dálvesiivun muoraid geasehit.
4. Johtalit mohtorfievrruiguin dárbbu mielde bievlan boazodoalu oktavuođas.
5. Johtalit mohtorfievrruiguin dárbbu mielde hárjehallanvuodjima oktavuođas dakkár áigumušaiguin, mat leat namuhuvvon 4. § 1. čuoggás.

Boazodoalu várás láhčojuvvo vejolašvuhta oažžut máŋggajagáš lobiid, mat boazodoalus galget oktiordnejuvvot ja válđojuvvot mielde orohatplánii boazodoallolága vuođul, nu ahte ealáhusain sáhttá bargat dohkálaš vuogi mielde.

§ 6 Oppalaš sierralohpemearrásat

Hálddašaneiseváldi sáhttá spiehkastit láhkaásahusas go suodjaleami ulbmil dan gáibida, ja dieđalaš iskkademiid oktavuođas, servodahkii mearkkašahtti mágssolaš bargguid oktavuođas dahje erenoamáš dilálašvuodaid oktavuođas go dat eai rihko suodjaleami ulbmila.

§ 7 Dikšun ja hálddašanplána

Hálddašaneiseváldi, dahje dat geasa hálddašaneiseváldi fápmuda válddi, sáhttá čađahit dikšundoaibmabijuid maiguin ollašuhttá suodjaleami ulbmila. Sáhttá ráhkaduvvot hálddašanplána mas sáhttet leat dárkilet njuolggadusat dikšuma várás.

§ 8 Hálđdašaneiseváldi

Luondduhálddašandirektoráhta mearrida geas galgá leat hálddašanváldi dán láhkaásahusa vuođul. Sámi beroštusat galget fuolahuvvot dan hálddašanortnegis mii ásahuvvo.

§ 9 Fápmuiboahtin

Dát láhkaásahus boahtá fápmui dálán.